

## **COMISIÓN INFORMATIVA DE ADMINISTRACIÓN PROVINCIAL, TRANSPARENCIA E EMERXENCIAS**

**ACTA** da mencionada comisión informativa, correspondente ao día **21 de abril de 2025**

Ás 16.30 horas do día 21 de abril de 2025, reúnese a Comisión Informativa de Administración Provincial, Transparencia e Emerxencias, en sesión ordinaria, na sala de xuntas da Deputación Provincial, coa asistencia dos seguintes deputados e deputadas:

**Presidente:** D. Luís Menor Pérez

**Deputados/as do Grupo Popular:**

D. Plácido Álvarez Dobaño

D.<sup>a</sup> Marta Nóvoa Iglesias

D.<sup>a</sup> Patricia Torres Madureira

D.<sup>a</sup> M.<sup>a</sup> del Carmen González Quintela

D. Manuel Seoane Rodríguez

**Deputados/as do Grupo Socialista:**

D. Álvaro Vila Araújo

D.<sup>a</sup> Susana Rodríguez Estévez

D. Emilio Luis Díaz Vidal

D. Aurentino Alonso Araújo

**Deputados/as do BNG:**

D.<sup>a</sup> María José Mangana Guede

D. Bernardo Varela López

**Deputados de Democracia Ourensana:**

D. Antonio Fernández Martín

D. Gonzalo Pérez Jácome

**Secretario:** D. Juan Marquina Fuentes Fuentes

**Interventora:** D.<sup>a</sup> Begoña Álvarez Matos

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

### **1º.- APROBACIÓN DA ACTA DA SESIÓN ANTERIOR, CORRESPONDENTE Á DO DÍA 19 DE MARZO DE 2025.-**

A Secretaría Xeral deu traslado do borrador da acta da sesión anterior, correspondente á ordinaria do día 19 de marzo de 2025.

Non se producen intervencións e, por unanimidade, a comisión adopta o seguinte acordo:  
Aprobar a acta da sesión ordinaria da Comisión Informativa de Administración Provincial, Transparencia e Emerxencias do día 19 de marzo de 2025, conforme co borrador elaborado pola Secretaría Xeral.

**2º.- MOCIÓN DE DEMOCRACIA OURENSANA PARA RECLAMAR UNHA DEFINICIÓN CLARA DAS COMPETENCIAS DOS CONCELLOS E UN FINANCIAMENTO XUSTO, ESPECIALMENTE NO MEDIO RURAL E NOS SERVIZOS SOCIAIS.-**

**D. Antonio Fernández Martín, de Democracia Ourenseana,** expón o contido da seguinte moción:

*A provincia de Ourense, cunha marcada estrutura rural e unha poboación envellecida e dispersa, depende de forma especialmente intensa do bo funcionamento dos servizos públicos de proximidade, que son de competencia delegada na súa maioría, dos concellos. Estas entidades locais, moitas veces de pequeno tamaño e con recursos limitados, vense obrigadas a asumir responsabilidades que exceden as súas competencias legais para poder atender as necesidades básicas da súa veciñanza, especialmente en ámbitos como os servizos sociais, a atención domiciliaria, a axuda á dependencia, o transporte adaptado ou o acceso a servizos básicos.*

*Os concellos son a administración máis próxima á cidadanía. Son os primeiros en recibir as demandas da poboación e, en moitos casos, os únicos que dan unha resposta efectiva e áxil ás súas necesidades. Ao longo dos anos, foron asumindo de facto competencias que, en moitos casos, non lles corresponden formalmente ou non veñen acompañadas do financiamento necesario.*

*A falta dunha delimitación clara entre as competencias propias, delegadas e impropias, xunto cun financiamento insuficiente, e en ocasións, inestable, xera unha situación insostible que pon en risco a calidade dos servizos e a viabilidade dos propios concellos, comprometendo a súa autonomía e a súa capacidade de resposta. Esta situación agrávase no rural, onde os custos de prestación dos servizos son maiores por razóns xeográficas e demográficas.*

*O actual modelo de financiamento local non responde nin á realidade dos concellos rurais nin ao principio de suficiencia financeira recoñecido na Constitución Española e na Carta Europea de Autonomía Local. Non é xusto que os concellos asuman competencias*

*impropias por responsabilidade social, sen que iso vaia acompañado dos recursos necesarios por parte das administracións que delegan ou descargan estas funcións.*

*Por todo o exposto, solicitamos:*

- 1. Esixir á Xunta de Galicia e ao Goberno Central que garanta o financiamento suficiente, estable e finalista para todas as competencias delegadas nos Concellos, especialmente en materia de servizos sociais, e que establezan mecanismos áxiles e transparentes para a súa xestión.*
- 2. Crear unha mesa de diálogo no seo da Deputación de Ourense, con participación de representantes dos Concellos da provincia, para identificar competencias asumidas sen financiamento suficiente, avaliar o seu impacto no rural e elaborar un documento de propostas para trasladar ás administracións competentes.*
- 3. Dar traslado deste acordo ao Goberno do Estado, á Xunta de Galicia, á FEMP, á FEGAMP, e aos grupos parlamentarios do Congreso, do Parlamento de Galicia e desta Deputación.*

**D. Bernardo Varela López, do BNG**, sinala que o relativo ás competencias das entidades locais e o seu financiamento xa se ten debatido nesta Deputación en moitas ocasións, e que desde a entrada en vigor da Lei 27/2013 de racionalización e sustentabilidade da Administración local, o marco competencial parece claro, en particular no relativo a materias como asuntos sociais. O seu grupo en principio posiciónase a favor das propostas de acordo da moción, se ben na petición do punto segundo relativo á creación dunha mesa de diálogo entenden que xa existe no seo da FEGAMP, que debe ser o interlocutor para a as reivindicacións de todas as entidades locais do país.

**D<sup>a</sup> Susana Rodríguez Estévez, do Grupo Socialista**, sinala que o seu grupo reserva o seu voto para a sesión plenaria, sen prexuízo de que en principio están a favor das peticións da moción.

**D<sup>a</sup> Ana Patricia Torres Madureira, do Grupo Popular**, indica que o seu grupo tamén formula reserva de voto para o pleno.

Non se producen máis intervencións e co voto favorable do Democracia Ourensana (2) e a abstención do Grupo Popular (6), do Grupo Socialista (4) e do BNG (2), a comisión ditamina favorablemente a adopción, por parte do Pleno, do seguinte acordo:

1. Esixir á Xunta de Galicia e ao Goberno Central que garanta o financiamento suficiente, estable e finalista para todas as competencias delegadas nos Concellos, especialmente en materia de servizos sociais, e que establezan mecanismos áxiles e transparentes para a súa xestión.

2. Crear unha mesa de diálogo no seo da Deputación de Ourense, con participación de representantes dos Concellos da provincia, para identificar competencias asumidas sen financiamento suficiente, avaliar o seu impacto no rural e elaborar un documento de propostas para trasladar ás administracións competentes.
3. Dar traslado deste acordo ao Goberno do Estado, á Xunta de Galicia, á FEMP, á FEGAMP, e aos grupos parlamentarios do Congreso, do Parlamento de Galicia e desta Deputación.

**3º.- MOCIÓNS DE URXENCIA.-** Non se presentan.

**4º.- ROGOS E PREGUNTAS.-** Non se formulan.

E, ás 16.40 horas, dáse por finalizada a reunión, redactándose a presente acta que se asinará electronicamente. Dou fe.